

Anouk Eman y Lindenwood University Campeon absoluto di tur scol na Merca



ORANJESTAD - Un biaha mas e top atleta den e deporte di synchro Anouk Eman hunto cu su team di Lindenwood University a pone otro record den Historia. Aña pasa Anouk a gana medaya di brons den Duet (hunto cu Reem Abdelazem) y tambe un medaya di brons den Trio du-

rante e evento U.S. National Collegiate Synchronized Swimming Championships. E nivel di e evento aki ta hopi halto. Otro luna e competencia di mas grandi na USA lo tuma luga, cual ta U.S. National Championships. Porcierto den e competencia aki na 2013 Anouk a sobre-


sali den Duet cu medaya di oro. E fin di siman cu a caba di pasa Anouk y su Team Lindenwood University a marca historia ganando e titulonon maximo den tur evento di e U.S. National Collegiate Synchronized Swimming Championships y asina pa prome biaha den historia ta logra e titulo di Overall Winner di e 2014 U.S. National Collegiate Championships.

Aki Anouk a conkista medaya di oro den Trio y Team. Pa decadanan largo e dos universidadnan, Ohio State y Stanford, tabata e ganadonan absoluto di e competencia aki. E cos di aprecia mas cu tur ta cu e la tuma un Arubiano Anouk Eman hunto cu su team pa logra kibra e record di e 2 universidadnan aki. Nos ta hopi orguyoso di

Anouk Eman.

Otro luna Anouk Eman y su Team Lindenwood University lo competi na e evento di U.S. National Championships caminda tur scol, club y otro federacion di natacion na USA lo competi pa e titulo maximo di synchro. Tambe mester bisa cu poder di Dios Anouk Eman ta gradua como psicologo na Mei di e aña aki na Lindenwood University y ya caba a ricibi for di su scol un scholarship pa e por haci su masters den psicologia.

Aki na Lindenwood University Anouk Eman lo sigui entrena pa prepara su mes hunto cu Kyra Hoevertsz pa Olimpiada na 2016. E actividadnan y entrenamiento di e atleta aki ta hopi intenso y impresionante pa mira cu



nos tin un atleta asina dedica y yen di talento na Aruba. Pa remarca ta cu synchro ta un di e deporte nan mas fisicamente exigente compara cu cualkier otro deporte na mundo. Nos ta desea Anouk hopi exito den e competencianan binidero. □